

نامهٔ سوم یوحنا

۱

۱ از ماٴه شیخ،

اگیوس عزیز که ا آنا تی 'حکیکت' خاطرش مٴه.

۲ آی عزیز، دعا اکنام از همٴه لحاظ، خَش و خُرم بِش، همینا هم سالم و تندرست بِش، هموناکه جوٴت خَش و خُرمه. ۳ آسی که بُری خارام اُبدام وختی که کاگٴا اندٴت، و شهادت شُد که تو ا حکیکت وفادارش، هموناکه واکعا هم تی حکیکت زندگی اکنش، ۴ هیچچی ا ما بِشته از ا خارام اناکو که بِشناوام اولادیا م تی 'حکیکت' زندگی اکنت.

۵ آی عزیز، تو تی همٴه گریات که آسی ا کاگٴا انجوم آیش، نِشو آیش که وفادارش، مخصوصا که ایا غریبه هت. ۶ انایا هم تی کلیسا ا محبت تو شهادت شُدٴ؛ پَ گر ولمی اکنش اگه ا انایا اوناکه شایسته خدائِه، رَووٴه سفر بکنش. ۷ آسی که انایا و خاطر مِ اسما ا ره افتدستٴت و از غیریهودنیا کمکی ناگرت. ۸ پَ اما باید پشت اینا کسبی بم تا خود انایا آسی جلو بُردٴه حکیکت همکاری بکنم.

۹ نامه ای ا کلیسا امنوشته، ولی دیوترفیس که دوست اشه ا خوش از همٴه بَرآته بدانه، ا اکتدار اما کبول ناکو. ۱۰ پَ اگه بِلگام، کری که کِردا عَلنی اکنام، آسی که از لی غَرَض و ضد اما بد اگه، اله ا هم راضی نی، بلکه ا کاگٴا هم ره ناد؛ و اگسی هم که شٴه ا کاگٴا ره هاتت، جلوشو اگِر و از کلیسا شُنْدَر اکو.

۱۱ آی عزیز، بدیا الگوی خوت مکو، بلکه خوبیا الگوی خوت بکو؛ آدام

درستکار از خدائِه، آدام بَدکار اُ خدا اُشْنِدِدِ. ^{۱۲} هَمَه مردم و حتی حکيکت خوش هم دربارَه ديميتريوس شهادت خَش شُدَدِ، اما هم شهادت اَتَم و آدانش که شهادت اما راستِه.

حرف آخر

^{۱۳} بُرى چى يا اُماد آيى تو بِنِوسام، ولى اُمنايَه وَ گلام و جوهر به. ^{۱۴} اميدوارام وَ اِزودنيا اُتَبِينام و از روبرو اُمريَه حرف بِنَم.

^{۱۵} سلامت پش!

رَفِيكيا اُ تو سلام اَرَسِنِت. تو هم اُ يَك وَ يَك رَفِيكيا سلام بَرَسِن.

